

## PRULink United Income Fund

Semua data seperti pada 31 Disember 2024 melainkan jika dinyatakan

### Ciri-ciri Dana

|                                 |                                                                                                                                                                                                                                                                                                                                                                                                                                                                                                 |
|---------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| Objektif Pelaburan              | <b>PRULink United Income Fund</b> (“Dana”) bertujuan untuk memberi pendapatan berkala bagi peningkatan modal dalam jangka sederhana hingga panjang melalui pelaburan global secara langsung dan tidak langsung.                                                                                                                                                                                                                                                                                 |
| Strategi Pelaburan & Pendekatan | Dana ini akan melabur terutamanya dalam dana-dana pelaburan [Dana Sasaran] untuk mencapai objektif pelaburan. Dana(-dana) Sasaran akan dipantau untuk menilai prestasi, proses, gaya dan kedudukan. Peruntukan ke, atau Dana(-dana) Sasaran mungkin berubah jika dianggap tidak sesuai untuk memenuhi objektif Dana.<br><br>Nota: Rujuk kepada maklumat tambahan untuk butir-butir Dana(-dana) Sasaran.                                                                                         |
| Peruntukan Aset                 | Dana ini akan melabur sehingga 100% Nilai Aset Bersih (NAV) Dana dalam Dana (-dana) Sasaran yang ditentukan oleh Pengurus Dana. Baki Nilai Aset Bersih (NAV) Dana akan dilaburkan dalam aset cair.                                                                                                                                                                                                                                                                                              |
| Piawaian Prestasi               | Piawaian prestasi aras akan berubah mengikut Dana(-dana) Sasaran. Pada permulaan, penanda aras adalah:<br>40% Bloomberg Barclays US High Yield 2% Issuer Cap Index + 35% MSCI World Index + 25% Bloomberg Barclays Global Credit Index<br><br><i>Untuk maklumat lanjut berkenaan penanda aras sila layari <a href="http://www.bloombergindices.com/bloomberg-barclays-indices/">www.bloombergindices.com/bloomberg-barclays-indices/</a> and <a href="http://www.msci.com">www.msci.com</a></i> |
| Pengurus Dana                   | Prudential Assurance Malaysia Berhad 198301012262 (107655-U)                                                                                                                                                                                                                                                                                                                                                                                                                                    |

### Yuran & Caj

|                        |                    |
|------------------------|--------------------|
| Caj Pengurusan Dana    | 1.25% setiap tahun |
| Caj-caj lain, jika ada | Tiada              |

## PRULink United Income Fund

Semua data seperti pada 31 Disember 2024 melainkan jika dinyatakan

### Prestasi Dana

PRULink United Income Fund adalah dana baru. Sejarah prestasi dana tidak wujud.

Notis: Prestasi dana masa lalu bukan tanda prestasi masa depannya. Ini hanya adalah bagi prestasi dana pelaburan / dasar, dan bukan pulangan daripada premium yang dibayar oleh produk insurans berkaitan pelaburan.

Asas kiraan prestasi masa lalu:

$$= \left( \frac{\text{Net Aset Bersih untuk Tahun } n}{\text{Net Aset Bersih untuk Tahun } n - 1} - 1 \right) \%$$

### Maklumat Tambahan untuk PRULink United Income Fund

Pada permulaan, Dana ini akan melabur dalam dana berdenominasi MYR-Hedged yang dikenali sebagai United CIO Income Fund MY – MYR Hedged (“Dana Sub”) yang diuruskan oleh UOB Asset Management (Malaysia) Berhad. Dana Sub ini, seterusnya, melabur dalam dana berdenominasi USD yang dikenali sebagai United CIO Income Fund (“Dana Sasaran”) yang diuruskan oleh UOB Asset Management Ltd Singapore.

Dana Sub ini bertujuan untuk memberi pendapatan berkala dalam jangka masa sederhana hingga panjang, dengan melabur sekurang-kurangnya 90% daripada NAV Dana Sub ke dalam Dana Sasaran dengan baki selebihnya dalam aset cair yang termasuk instrumen pasaran wang dan deposit. Oleh sebab Dana Sub ini adalah dana suapan yang melabur sebahagian besar dalam Dana Sasaran, Dana Sub bergantung kepada semua keputusan pelaburan yang dibuat di peringkat Dana Sasaran.

Pengurus Dana Sub mungkin menggunakan derivatif seperti opsyen, kontrak niaga, kontrak hadapan, atau swap untuk tujuan lindung nilai, sambil memastikan pendedahan global Dana Sub daripada derivatif kewangan tidak melebihi NAV-nya pada setiap masa. Pengurus Dana Sub juga mungkin mengambil kedudukan pertahanan sementara yang mungkin tidak konsisten dengan strategi pelaburan dan peruntukan aset Dana Sub sebagai respons terhadap keadaan ekonomi, politik atau sebarang pasaran yang tidak baik. Dalam keadaan-keadaan tersebut, Dana Sub mungkin memegang sehingga 100% daripada NAV dalam instrumen pasaran wang dan deposit yang bersifat pertahanan.

Objektif pelaburan Dana Sasaran adalah untuk memberi pelabur dengan pendapatan tetap dengan melabur terutamanya dalam syarikat yang akan diperbadankan, disenaraikan, diperdagangkan atau berurusan secara global. Dana Sasaran mungkin terdedah kepada syarikat-syarikat ini secara global dengan melabur dalam dana, ETF dan REIT, atau juga mungkin melabur dalam ekuiti, sekuriti berkaitan ekuiti, bon atau instrumen hutang syarikat-syarikat ini secara langsung. Dana Sasaran bertujuan untuk meminimumkan risiko dan memaksimumkan pulangan pelaburan keseluruhan dengan menguruskan secara aktif peruntukan aset, peruntukan serantau, dan tahap pendedahan keseluruhan kepada pasaran secara global.

Dana Sasaran biasanya akan memperuntukkan 50% daripada NAV dalam ekuiti dan 50% dalam pendapatan tetap, dengan penyimpangan 20% untuk setiap kelas aset. Komponen ekuiti dalam Dana Sasaran berfungsi untuk memberi pendapatan dividen dan pulangan modal manakala bahagian pendapatan tetap berfungsi untuk memantapkan prestasi portfolio. Selain itu, Dana Sasaran mungkin menggunakan derivatif seperti opsyen, kontrak niaga, kontrak hadapan atau swap untuk tujuan lindung nilai kedudukan sedia ada, pengurusan portfolio yang cekap, mengoptimumkan pulangan atau gabungan tujuan tersebut.

## PRULink United Income Fund

Semua data seperti pada 31 Disember 2024 melainkan jika dinyatakan

Prestasi dana bagi Dana Sub dan Dana Sasaran pada 31 Disember 2024 adalah seperti berikut:

|              | Dana                                    | 2024  | 2023  |
|--------------|-----------------------------------------|-------|-------|
| Dana Sub     | United CIO Income Fund MY – MYR Hedged* | 4.89% | 3.47% |
| Dana Sasaran | United CIO Income Fund Z USD Acc*       | 8.85% | 5.83% |

*Nota: Pulangan di atas adalah untuk Dana Sub berdenominasi dalam MYR, manakala untuk Dana Sasaran adalah berdenominasi dalam USD.*

*\*Dana Sub dilancarkan semula pada Sept 2023, Dana Sasaran dimulakan pada 6 Sept 2023. Prestasi dana adalah dari tarikh lancar dana sehingga akhir tahun untuk tahun yang sama (pulangan bukan tahunan).*

*Sumber: UOBAM, data pada 31 Disember 2024*

Yuran pengurusan boleh dikenakan pada peringkat Dana dan/atau Dana Sub. Sila ambil perhatian bahawa anda akan dikenakan caj maksima sebanyak 1.25% setahun, yang merupakan gabungan bagi caj pengurusan dana tahunan pada peringkat Dana dan Dana Sub.

Dana-dana Sasaran dengan strategi pelaburan yang melabur dalam Dana Dagangan Bursa ("ETF") atau Skim Pelaburan Kolektif yang lain mungkin dikenakan yuran tambahan pada peringkat Dana Sasaran yang diambil sebagai sebahagian daripada pertimbangan strategi pelaburan untuk meningkatkan prestasi dana.

### Risiko-Risiko Pelaburan

Dana ini tertakluk kepada risiko-risiko pelaburan termasuk kemungkinan kehilangan amaun pokok yang dilaburkan. Nilai unit mungkin turun dan juga naik. Selain itu, Dana ini juga tertakluk kepada risiko tertentu termasuk dan tidak terhad kepada:

#### Risiko-Risiko Umum apabila Melabur dalam Dana ini

##### **Risiko Pasaran**

Risiko pasaran merujuk kepada potensi kerugian yang mungkin dialami akibat perubahan-perubahan buruk dalam keadaan pasaran. Keadaan pasaran secara umumnya, dijejaskan oleh, di antara lain-lain, kestabilan ekonomi dan politik. Jika pasaran di mana Dana ini melabur mengalami kelembapan atau ketidakstabilan akibat keadaan ekonomi atau politik yang buruk, ini boleh memberi kesan negatif kepada harga pasaran pelaburan bagi Dana ini.

##### **Risiko Kecairan**

Risiko kecairan ini merujuk kepada dua senario. Senario pertama adalah di mana pelaburan tidak boleh dijual akibat ketiadaan pembeli untuk pelaburan tersebut. Senario kedua adalah di mana pelaburan tersebut merupakan dagangan kecil. Sekiranya pelaburan dalam Dana Sasaran merupakan dagangan kecil, ini boleh menyebabkan Dana ini untuk melepaskan pelaburan tersebut pada harga yang tidak menguntungkan di pasaran dan boleh memberi kesan negatif kepada pelaburan pelabur. Risiko ini boleh dikurangkan melalui proses pemilihan sekuriti yang ketat.

##### **Risiko Inflasi**

Risiko ini merujuk kepada kemungkinan pelaburan pelabur tidak seiring dengan inflasi, maka mengakibatkan kekurangan kuasa beli pelabur walaupun pelaburan dalam segi kewangan mungkin telah meningkat.

## **PRU**Link United Income Fund

Semua data seperti pada 31 Disember 2024 melainkan jika dinyatakan

### **Risiko Kadar Faedah**

Risiko kadar faedah adalah risiko am yang mempengaruhi dana konvensional. Perkara ini tetap terjadi walaupun dana konvensional hanya melabur dalam pelaburan yang mengikut mandat. Sebab untuk ini adalah kerana tahap kadar faedah yang tinggi akan menjejaskan keuntungan syarikat yang tidak dapat dielakkan dan memberi kesan kepada nilai kedua-dua ekuiti dan sekuriti hutang. Risiko ini amat penting dalam dana bon kerana pengurusan portfolio bon bergantung kepada ramalan pergerakan kadar faedah. Harga bon bergerak bertentangan dengan pergerakan kadar faedah, oleh itu apabila kadar faedah meningkat, harga bon menurun dan sebaliknya. Tambahan pula, bon dengan tempoh matang yang lebih panjang dan kadar keuntungan yang lebih rendah adalah lebih sensitif terhadap pergerakan kadar faedah.

### **Risiko Kredit / Kemungkiran**

Bon adalah terdedah kepada risiko kredit / kemungkiran sekiranya penerbit instrumen tersebut menghadapi masalah kewangan, yang boleh mengurangkan kebolehpercayaan kredit mereka. Ini mungkin boleh menjurus kepada pengingkaran dalam pembayaran wang pokok dan faedah.

### **Risiko Ketidapatuhan**

Risiko ini timbul daripada ketidakpatuhan dengan undang-undang, peraturan dan undang-undang, praktik-praktik yang ditetapkan serta dasar dan prosedur dalaman syarikat pengurusan, contohnya, akibat kesilapan syarikat pengurusan. Ketidapatuhan ini boleh memaksa syarikat pengurusan untuk menjual sekuriti-sekuriti Dana ini dengan kerugian untuk membetulkan ketidakpatuhan dan maka menjejaskan nilai pelaburan pelabur dalam Dana ini. Untuk mengurangkan risiko ini, kawalan dalaman telah disediakan oleh Pengurus Dana untuk menegaskan pematuan undang-undang, peraturan dan undang-undang, praktik-praktik yang ditetapkan serta dasar dan prosedur dalaman Pengurus Dana dengan berterusan.

### **Risiko Tumpuan**

Ini adalah risiko dana memberi tumpuan sebahagian besar asetnya dalam pilihan pelaburan yang lebih kecil. Kejatuhan harga ekuiti tertentu dan / atau pelaburan pendapatan tetap akan memberi kesan yang lebih besar kepada dana dan dengan itu menyebabkan kerugian lebih besar. Risiko ini boleh dikurangkan oleh pengurus dengan melakukan analisis asas yang lebih teliti sebelum melabur dalam setiap sekuriti.

### **Risiko Syarikat Pengurusan**

Prestasi Dana bergantung kepada pengalaman, kecekapan dan pengetahuan syarikat pengurusan. Sekiranya syarikat pengurusan mempunyai kekurangan dalam kualiti-kualiti di atas, ia mungkin akan memberi kesan buruk kepada prestasi Dana.

### **Risiko Mata Wang**

Dana ini berdenominasi dalam MYR, manakala Dana Sasaran mungkin berdenominasi dalam mata wang lain. Prestasi Dana mungkin dipengaruhi oleh pergerakan dalam kadar penukaran antara mata wang MYR dan mata wang denominasi Dana Sasaran. Di mana berkenaan, instrumen lindung nilai mata wang atau kelas dana lindung nilai mata wang daripada dana mungkin digunakan untuk meminimumkan risiko mata wang.

### **Risiko Derivatif**

Derivatif mungkin digunakan untuk melindungi nilai daripada sebarang risiko yang mungkin dikaitkan dengan melabur dalam Dana Sasaran, seperti, tetapi tidak terhad kepada, risiko mata wang. Dana ini mungkin melabur sehingga 100% NAV Dana dalam instrument derivatif.

## **PRU**Link United Income Fund

Semua data seperti pada 31 Disember 2024 melainkan jika dinyatakan

### **Risiko Portfolio**

Dana ini bertujuan untuk pelabur yang boleh menerima risiko yang berkaitan dengan pelaburan terutamanya dalam sekuriti yang dipegang dalam Dana. Pelaburan dalam ekuiti akan tertakluk kepada risiko yang berkaitan dengan ekuiti dan sekuriti yang berkaitan dengan ekuiti, termasuk naik turun harga pasaran, penerbit buruk atau maklumat pasaran dan hakikat bahawa ekuiti dan faedah yang berkaitan dengan ekuiti adalah lebih rendah dalam hak pembayaran dari sekuriti korporat lain, termasuk sekuriti hutang. Begitu juga, pelaburan dalam sekuriti pendapatan tetap tertakluk kepada risiko yang berkaitan dengan sekuriti hutang termasuk risiko kredit dan risiko kadar faedah, dan risiko tambahan yang berkaitan dengan sekuriti hutang hasil tinggi, penyertaan dalam pinjaman dan sekuriti derivatif. Di samping itu, pelabur harus sedar tentang risiko yang berkaitan dengan teknik pengurusan aktif yang dijangka akan digunakan oleh Dana.

### **Risiko-Risiko Khusus apabila Melabur dalam Dana Sasaran**

#### **Risiko Sekuriti**

Pergerakan harga yang buruk sekuriti tertentu dilaburkan oleh Dana Sasaran boleh memberi kesan negatif kepada nilai aset bersih Dana Sasaran. Pengurus Dana Sasaran berusaha untuk mengurangkan kesan risiko sekuriti tertentu melalui kepelbagaian portfolio, yang akan membantu dalam penyebaran unsur risiko.

#### **Risiko Pengurusan Dana Sasaran**

Walaupun Pengurus Dana akan menggunakan kemahiran dan kecermatan yang sewajarnya dalam memilih Dana Sasaran, ia tidak mempunyai kawalan dalam pengurusan Dana Sasaran dan objektif pengurusan akan dipenuhi adalah tidak dijamin. Ini mungkin menyebabkan pemegang-pemegang polisi mengalami kerugian dalam pelaburan mereka dalam Dana Sasaran.

Dana Sasaran mungkin mengubah objektifnya dan menjadi tidak selaras dengan objektif Dana ini. Dalam keadaan itu, Pengurus Dana akan menggantikan Dana Sasaran dengan skim pelaburan kolektif lain yang Pengurus Dana menganggapnya lebih sesuai untuk memenuhi objektif Dana ini.

#### **Risiko Kesilapan dalam Pengiraan Nilai Aset Bersih Dana Sasaran**

Terdapat kemungkinan wujudnya kesilapan dalam pengiraan nilai aset bersih Dana Sasaran. Sekiranya kesilapan itu berlaku, nilai aset bersih Dana Sasaran akan terjejas dengan itu, Dana Sasaran akan mematuhi peraturan yang ditetapkan dalam peruntukan peraturan berkaitan yang berkenaan dengan Dana Sasaran. Pampasan, jika ada, yang dibayar oleh Dana Sasaran (tertakluk kepada undang-undang bidang kuasa di mana Dana Sasaran itu bermastautin), akan dikreditkan kepada Dana ini sebagaimana dan apabila pampasan diterima.

Memandangkan perkara tersebut di atas, pemegang-pemegang polisi perlu sedar bahawa terdapatnya keadaan di mana baik Dana Sasaran mahupun Pengurus Dana tidak akan terikat untuk membayar pampasan kepada pemilik benefisial yang terakhir.

#### **Risiko Kecairan**

Risiko kecairan ini merujuk kepada tiga senario. Senario pertama adalah di mana kecairan Dana Sasaran yang diperuntukkan adalah tidak mencukupi untuk memenuhi keperluan penebusan. Senario kedua adalah di mana realisasi hasil Dana Sasaran tidak dipenuhi tepat pada masanya kerana syarikat pengurusan dana mungkin mengehendkan jumlah unit Dana Sasaran yang akan direalisasikan oleh pemegang atau dibatalkan oleh syarikat pengurusan dana pada mana-mana hari urus niaga kepada 10% daripada jumlah unit Dana Sasaran atau mana-mana kelas Dana Sasaran yang dikeluarkan pada masa itu. Ini mengakibatkan Dana tidak dapat memenuhi keperluan penebusan tepat pada masanya.

## **PRU**Link United Income Fund

Semua data seperti pada 31 Disember 2024 melainkan jika dinyatakan

Senario ketiga adalah di mana Dana Sasaran merupakan dagangan kecil. Sekiranya pelaburan dalam Dana Sasaran merupakan dagangan kecil, ini boleh menyebabkan Dana Sasaran untuk melepaskan pelaburan tersebut pada harga yang tidak menguntungkan di pasaran dan boleh memberi kesan negatif kepada pelaburan pelabur. Risiko ini boleh dikurangkan melalui proses pemilihan keselamatan yang ketat.

### **Risiko Negara-Negara atau Sekuriti-Sekuriti Asing**

Risiko ini berkaitan dengan pelaburan dalam sekuriti-sekuriti tersenarai atau bermastautin di negara-negara selain daripada negara mastautin. Sebarang perubahan-perubahan dalam asas ekonomi, kestabilan sosial dan politik, ketidakpastian atau perubahan dalam mata wang rasmi negara, pergerakan mata wang dan dasar pelaburan asing di negara-negara ini boleh meningkatkan turun naik dalam nilai-nilai aset, kecairan dan risiko kemungkiran yang mungkin mempunyai kesan ke atas harga-harga sekuriti yang dilaburkan oleh Dana Sasaran dan maka juga boleh menjejaskan nilai aset bersih Dana Sasaran.

Pelaburan di pasaran tertentu mungkin dihadkan atau dikawal. Di sesetengah negara, pelaburan langsung dalam sekuriti-sekuriti mungkin dilarang dan dihad disebabkan oleh keperluan kawal selia. Sekatan-sekatan ini boleh meningkatkan kos urus niaga dan memberi kesan negatif kepada kecairan sekuriti dan harga yang berkaitan dengan sekuriti.

Pengurus Dana Sasaran akan memantau dan memerhati perkembangan di negara-negara di mana aset-aset Dana Sasaran diperuntukkan. Di samping itu, Pengurus Dana Sasaran juga akan menggunakan proses pelaburan yang sistematik, yang merangkumi penilaian yang kerap, untuk menguruskan dan mengurangkan risiko ini.

### **Risiko Mata Wang**

Pelaburan dasar Dana Sasaran ini mungkin berdenominasi dalam mata wang tempatannya, yang mungkin berlainan daripada mata wang Dana Sasaran. Prestasi Dana Sasaran mungkin dipengaruhi oleh pergerakan dalam kadar penukaran antara mata wang pelaburan dasar dan mata wang Dana Sasaran.

### **Risiko Caj-Caj kepada Modal**

Caj-caj dan perbelanjaan Dana Sasaran adalah diambil daripada modal, secara keseluruhan atau sebahagian, menyebabkan kemungkinan kekangan pertumbuhan modal.

### **Sekatan pada Pelaburan Asing**

Beberapa negara melarang atau mengenakan sekatan yang teguh pada pelaburan-pelaburan yang dibuat oleh entiti-entiti asing. Terdapat juga keadaan di mana pesanan pembelian kemudiannya gagal kerana peruntukan yang dibenarkan kepada pelabur asing telah diisi, melucutkan keupayaan Dana Sasaran untuk membuat pelaburan yang diinginkan pada masa tersebut.

### **Risiko Derivatif**

Pengurus Dana Sasaran mungkin melabur dalam derivatif yang akan tertakluk kepada risiko. Walaupun penggunaan derivatif secara bijaksana oleh pengurus-pengurus pelaburan profesional boleh mendatangkan manfaat, namun derivatif melibatkan risiko yang berbeza daripada, dan dalam sesetengah hal, lebih tinggi daripada risiko yang terdapat dalam pelaburan sekuriti yang lebih tradisional. Antara risiko yang dikaitkan dengan derivatif ialah risiko pasaran, risiko pengurusan, risiko kredit, risiko kecairan dan risiko keumpulan. Pelaburan dalam derivatif mungkin memerlukan wang pendahuluan atau margin permulaan dan margin tambahan dengan notis yang singkat jika pasaran bergerak berlawanan dengan kedudukan pelaburan. Jika tiada peruntukan dibuat bagi margin yang diperlukan dalam tempoh masa yang ditetapkan, maka pelaburan itu mungkin dicairkan pada harga yang merugikan. Justeru itu, pelaburan dalam derivatif perlu sekali diawasi dengan rapi.

## PRULink United Income Fund

Semua data seperti pada 31 Disember 2024 melainkan jika dinyatakan

Pengurus Dana Sasaran mempunyai kawalan yang diperlukan bagi pelaburan dalam derivatif dan mempunyai sistem-sistem yang sesuai untuk mengawasi kedudukan derivatif bagi Dana Sasaran ini. Pengurus Dana Sasaran tidak berhasrat untuk menggunakan urus niaga derivatif bagi tujuan spekulasi atau keumpulan tetapi mungkin menggunakannya untuk pengurusan portfolio yang cekap dan/atau pengurusan risiko. Risiko mata wang merupakan salah satu risiko pasaran yang akan dihadapi oleh dana ini dan nilai boleh dilindung dengan menggunakan derivatif seperti kontrak depan/niaga hadapan pertukaran asing. Selalunya risiko mata wang pendasar mungkin ditanggung akibat membeli ekuiti atau bon pendasar. Jika pengurus dana tidak mahu menanggung risiko mata wang yang dikaitkan dengan aset pendasar ini, dana ini boleh menggunakan kontrak Depan Pertukaran Asing untuk melindungi nilai sebarang risiko mata wang yang timbul daripada pemegangan kedudukan mata wang bukan asas. Pada dasarnya, penggunaan kontrak depan mata wang ini ialah untuk melindungi nilai dana daripada risiko mata wang dalam dana.

*Senarai di atas tidak sepatutnya dianggap sebagai senarai risiko-risiko yang lengkap, yang perlu dipertimbangkan oleh pemegang polisi sebelum membuat pelaburan dalam Dana. Pemegang polisi sepatutnya sedar bahawa sebarang pelaburan di dalam Dana mungkin terdedah kepada risiko-risiko lain dari semasa ke semasa.*

### Pengurusan Risiko

#### Risiko Peramalan

Risiko yang berpotensi diambil kira dalam proses peruntukan sektor dan pemilihan saham berdasarkan analisis dalam pelbagai faktor utama seperti keadaan ekonomi, kecairan, aspek kualitatif dan kuantitatif sekuriti.

#### Kawalan Sistem

Parameter risiko ditetapkan secara dalaman bagi setiap dana, bergantung kepada profil risiko pelanggan. Parameter risiko termasuk had pertaruhan penerbit, penerbit kumpulan, ketarafan sektor dan saiz terbitan sekuriti yang dipegang dalam portfolio.

Sistem pejabat depan ditempatkan untuk memantau risiko portfolio, bertindak sebagai penapis automatik untuk sebarang had-had atau pelanggaran.

## PRULink United Income Fund

Semua data seperti pada 31 Disember 2024 melainkan jika dinyatakan

### Maklumat Lain

|                                                                                      |                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                            |
|--------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <ul style="list-style-type: none"><li>Pasaran Sasaran</li></ul>                      | <p>Dana ini sesuai untuk Pemegang-pemegang polisi yang:</p> <ul style="list-style-type: none"><li>Mencari peningkatan modal dalam tempoh pelaburan jangka masa sederhana hingga panjang;</li><li>Mempunyai toleransi risiko sederhana.</li></ul>                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                                           |
| <ul style="list-style-type: none"><li>Dasar &amp; Kekerapan Penilaian Unit</li></ul> | <ul style="list-style-type: none"><li>Penghargaan unit dibuat setiap hari perniagaan.</li><li>Harga Unit bagi Dana <b>PRULink</b> tertentu pada sebarang Tarikh Penilaian hendaklah bersamaan Nilai Dana dibahagikan dengan bilangan Unit yang dikeluarkan pada Tarikh Penilaian.</li><li>Nilai Dana ialah nilai semua aset Dana <b>PRULink</b> selepas pemotongan belanja untuk pengurusan, memperoleh, pengkekalan dan penilaian aset dana, cukai (jika ada) atau levi mengikut undang-undang yang ditanggung oleh Syarikat ke atas pendapatan pelaburan atau keuntungan modal aset Dana dan sebarang pendapatan terakru atau dijangkakan.</li><li>Syarikat akan menilai pelbagai Dana-dana <b>PRULink</b> pada akhir hari perniagaan (Tarikh Penilaian). Walaubagaimanapun, nilai pelaburan Dana-dana <b>PRULink</b> dalam syer, sekuriti faedah tetap dan instrumen pasaran wang pada akhir suatu Tarikh Penilaian hanya akan diketahui satu hari perniagaan nanti. Harga Unit dana <b>PRULink</b> akan ditentukan oleh Syarikat pada suatu Tarikh Penilaian hanya akan dibuat dan diberitahu kepada Pemegang Polisi selepas 2 hari perniagaan nanti (T+2).</li><li>Untuk mendapatkan balik kos memperoleh dan membuang aset-aset, pembetulan kos urus niaga mungkin dibuat kepada Nilai Dana untuk memulihkan sebarang amaun di mana Dana ini telah atau dijangka untuk membayar bagi penghasilan dan pembatalan unit-unit.</li></ul> |
| <ul style="list-style-type: none"><li>Keadaan-keadaan Luar Biasa</li></ul>           | <ul style="list-style-type: none"><li>Syarikat tidak dipaksa untuk menebus atau menukar pada Hari Penilaian lebih daripada 10% Dana <b>PRULink</b> yang lebih pada suatu Hari Penilaian.</li><li>Syarikat juga berhak dalam keadaan pengecualian (sebagai contoh, bila terdapat jumlah jualan pelaburan jangka masa yang pendek) untuk menangguhkan penukaran atau penebusan Unit-unit dan/atau penyerahan Polisi untuk tempoh tidak melebihi enam (6) bulan dari tarikh permohonan.</li><li>Syarikat mungkin menangguhkan penghargaan unit dan urusan niaga polisi jika mana-mana penukaran di mana Dana dilaburkan ditunda dari berdagang untuk sementara. Dalam keadaan tersebut, suatu notis untuk penangguhan mungkin diterbitkan dan mungkin diberitahu kepada Pemegang Polisi apabila tokokan, penukaran, penebusan atau pengeluaran ke/dari mana-mana Dana <b>PRULink</b>.</li></ul> <p>Senarai keadaan-keadaan luar biasa di atas tidak lengkap. Sila rujuk kepada dokumen polisi anda untuk butir-butir yang lengkap.</p>                                                                                                                                                                                                                                                                                                                                                                                                        |